

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška budžetskih sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona za 2023. godinu, broj: 02-11-9548/23 od 09.06.2023. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 25. sjednici, održanoj dana 30.06.2023. godine, d o n o s i

ODLUKU

o odobravanju sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona za 2023. godinu

Član 1.

(Predmet)

(1) Odobravaju se sredstva za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona u ukupnom iznosu od 2.100.000,00 KM (slovima: dvamilionajednastotinahiljada konvertibilnih maraka).

(2) Odobrena sredstva odnose se na realizaciju sljedećih projekata:

R. br	Općina/Grad	Dionica ceste	Opis poslova	Planirana sredstva/KM
1.	Općina Žepče	Lokalna cesta Begov Han-Fatići	Rekonstrukcija i asfaltiranje	40.000,00
2.	Općina Žepče	Gradske ulice	Postavljanje video nadzora	40.000,00
3.	Općina Maglaj	Ulica Bosanska-Prvi mart	Rekonstrukcija i asfaltiranje	250.000,00
4.	Općina Maglaj	Ulica Srebreničkih žrtava rata	Sanacija i rekonstrukcija	900.000,00
5.	Općina Maglaj	Lokalna cesta dionica Domislica-Čobe	Rekonstrukcija i asfaltiranje	150.000,00
6.	Grad Zavidovići	Lokalna cesta u MZ Mećevići	Sanacija ceste	20.000,00
7.	Grad Zavidovići	Lokalna cesta u MZ Kovači	Sanacija ceste	20.000,00
8.	Grad Zavidovići	Lokalna cesta u MZ Rujnica	Sanacija ceste	50.000,00
9.	Općina Vareš	Rekonstrukcija javne rasvjete na glavnoj saobraćajnici i sporednim ulicama	Rekonstrukcija javne rasvjete	200.000,00
10.	Grad Visoko	Lokalna cesta u naselju Ravne	Sanacija i rehabilitacija ceste	80.000,00
11.	Grad Visoko	Sanacija postojećeg parkinga na Ravnama	Sanacija ceste	160.000,00
12.	Grad Zenica	Sanacija pristupne ceste – Kužno groblje Zenica	Sanacija ceste	190.000,00

(3) Odobreni projekti realizovat će u skladu sa zaključenim ugovorima nakon provedenih odgovarajućih postupka javne nabavke, a sve u skladu i na način utvrđen Zakonom o javnim nabavkama BiH („Službeni glasnik BiH“ broj: 39/14).

(4) U slučaju da je visina iznosa ukupnih nabavki iz člana. 1. stav (2) ove odluke veća od odobrenog iznosa, općina odnosno grad preostali iznos finansira iz vlastitih sredstava.

(5) U slučaju da je visina ukupnih nabavki iz člana. 1. stav (2) ove odluke manja od odobrenog iznosa, za preostali neutrošeni iznos općina odnosno grad izvršit će povrat sredstava na račun Zeničko-dobojskog kantona.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) sa razdjela 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 615100, pozicija „Kapitalni transferi drugim nivoima vlasti“.

(2) Sredstva odobrena ovom odlukom će se transferisati na račune općina i gradova.

Član 3.

(Provođenje Odluke)

Za provođenje ove odluke zadužuju se Ministarstvo za prostorno uređenje, promet i komunikacije i zaštitu okoline - Kantonalna direkcija za ceste, Ministarstvo finansija i općine i gradovi iz člana 1. Odluke, svako u okviru svoje nadležnosti.

Član 4.

(Izvrještavanje)

(1) Općine i gradovi dužni su izvjestiti Ministarstvo za prostorno uređenje, promet i komunikacije i zaštitu okoline – Kantonalna direkcija za ceste o namjenskom utrošku sredstava, dostavljanjem kompletne dokumentacije o izvršenim nabavkama navedenim u članu 1. ove odluke (ugovori, privremene i konačna situacije, fakture i sl.) i dokazima o uplati sredstava dobavljačima.

(2) U slučaju da se utvrdi nenamjenski utrošak sredstava Vlada kantona poduzet će zakonom predviđene mjere.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-10518/23

Datum, 30.06.2023. godine

Z e n i c a

Amra Mehmedić

DOSTAVLJENO:

1x Ministarstvo za prostorno uređenje promet i komunikacije
i zaštitu okoline,

1x Kantonalna direkcija za ceste,

1x Ministarstvo finansija,

1x općine/gradovi, putem Ministarstva,

1x „Službene novine Zeničko-dobojskog kantona“,

1x a/a.